

ՀՍՍՌ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ՏԱՐԵԿԱՆ ԸՆԴՀԱՆՈՒՐ ԺՈՂՈՎՐ

1965 թ. մարտի 23—24-ր ՀՍՍՌ գիտությունների ակադեմիայի նիստերի հաջիճում կայացավ Հայկական Սովետական Սոցիալիստական Ռեսպուբլիկայի գիտությունների ակադեմիայի հերթական՝ 21-րդ տարեկան ընդհանուր ժողովը:

Ժողովը ներածական ընդարձակ ճառով բացեց Ակադեմիայի պրեզիդենտ. ակադեմիկոս Վ. Հ. Համարձումյանը: Նա բազմակողմանիորեն վերլուծեց Հայկական ՍՍՌ գիտությունների ակադեմիայի գիտահետազոտական հիմնարկների գիտական գործունեությունը, նշեց նրանց զարգացման հետագա ուղիները:

— 1964 թվականը հանդիսացավ Սովետական Հայաստանի կյանքում վերելքի մի տարի ես,— նշեց պրեզիդենտ Վ. Հ. Համարձումյանը.— սովետական և զբաղմունքային հանրապետությունների ընտանիքում Սովետական Հայաստանը 1964 թ. ընթացքում հասավ խոշոր հաջողությունների ժողովրդական տնտեսության ու մշակույթի բոլոր բնագավառներում: Ռեսպուբլիկայում հայտնաբերվեցին նոր բնական հարստություններ, առաջացան արտադրության նոր ճյուղեր, բնորոշակվեցին բարձրագույն դպրոցները, ավելի փոխվեց և առնականացավ մեր վերածնված հինավուրց երկիրը՝ Հայաստանը: Հայաստանի կոմունիստական կուսակցությունը, կառավարությունը, ամբողջ ժողովուրդը մեծ ուշադրություն են դարձնում ռեսպուբլիկայում գիտության զարգացման վրա, համարելով այն մեր առաջընթացի կարևոր նախապայմաններից մեկը: Իրա վկայությունն այն է, որ կառուցվում են նոր գիտական հիմնարկներ, ձևեր է բերվում թանկարժեք գիտական սարքավորում, ստեղծվում են ժամանակակից բարդ գիտական տեղակայքներ, պատրաստվում են բազմաթիվ գիտական կադրեր: Բավական է ասել, որ 1958 թ. հետո գիտական աշխատողների թիվը ռեսպուբլիկայում ավելի քան կրկնապատկվել է և այժմ անցել է 7.000-ից:

Այս բոլորի շնորհիվ Սովետական Հայաստանի գիտությունը նվաճել է նոր դիրքեր, գիտության բոլոր բնագավառներում ձևեր բերել նշանակալից տեղ: Հայկական ՍՍՌ գիտությունների ակադեմիայի մշակած առաջադրությունները համապատասխանում են այն մեծ ու պատասխանատու խնդիրներին, որոնք դրված են ռեսպուբլիկայի Գիտությունների ակադեմիայի առջև,

կապված սովետական գիտության և Հայաստանի ժողովրդական տնտեսության առաջատար ճյուղերի զարգացման հիմնական տեղեկությունների հետ:

Վ. Հ. Համարձումյանը ընդգծեց, որ վերջին տարիների համար բնորոշ է ֆիզիկա-մաթեմատիկական գիտությունների ամբողջ կոմպլեքսի զարգացումը:

Մաթեմատիկայի բնագավառում զգալի հաջողություններ են ձևեր բերված ֆունկցիաների տեսության և օրթոգոնալ շարքերի հետազոտությունների ուղղությամբ: Ընդարձակվել են աշխատանքները դիֆերենցիալ հավասարումների, մաթեմատիկական ֆիզիկայի և մաթեմատիկական տրամաբանության ուղղությամբ, ստեղծվել են բավականաչափ հիմքեր՝ զարգացնելու համար մաթեմատիկական ֆիզիկայի նոր ուղղություններից մեկը, որը կապված է այսպես կոչված ինվարիանտ ներդրման սկզբունքի հետ: Մեխանիկայի և մաթեմատիկայի ինստիտուտում սկսել են ավելի լայնորեն ծավալվել աշխատանքները ապակապաստների մեխանիկայի և արալից հարցերի ուղղությամբ:

Հաշվողական կենտրոնում յայն ուսումնասիրություններ են կատարվում մաթեմատիկական լեզվաբանության և մեխանիկական թարգմանությունների գծով: Այս տարվա երկրորդ կիսամյակում պետք է պատրաստ լինի մասնագիտական թարգմանչական առաջին էլեկտրոնային մեքենան, որը պետք է հնարավորություն տա կատարելու որոշ տիպի տեքստերի թարգմանությունը ռուսերենից հայերեն:

Բյուրականի աստղադիտարանում բոլորովին նոր աշխատանքներ են կատարվել գալակտիկաների կորիզների ուսումնասիրության վերաբերյալ: Այստեղ կատարված են նաև գալակտիկաների հետաքրքիր լուսաչափական և գունաչափական հետազոտություններ: Կառուցվում է նոր՝ 2,6 մետրանոց աստղադիտակը:

Ֆիզիկայի բնագավառում հետաքրքիր աշխատանքներ են կատարվում ֆիզիկա-մեխանիկական լարորատորիայում՝ պոլիմերների ֆիզիկայի ուղղությամբ: Այս տարվանից նույն ինստիտուտում գուգահեռաբար աշխատանքներ կծավալվեն կիսահաղորդչային էլեկտրոնիկայի դոմին:

Պրեզիդենտի ներածական ճառում մեծ տեղ էր հատկացված երկրաբանական, կենսաբանական,

քիմիական գիտությունների բաժանմունքների աշխատանքներին: Նա ընդգծեց, որ Հայաստանի հսկայական հումքային ռեսուրսների ռացիոնալ օգտագործումը առաջին հերթին կապված է քիմիական գիտությունների զարգացման հետ: Նույն օրգանական քիմիայի ինստիտուտում շաբաթունակվել են բիոլոգիապես ակտիվ նոր նյութերի սինթեզման աշխատանքները և մի շարք նոր պրակտիկական անցում են կլինիկական ստուգում: Շատ հետաքրքիր տվյալներ են ստացվել Բիոքիմիայի ինստիտուտում՝ ուղեղի ազոտային փոխանակության մեջ գամմաամինոկարադաթթվի դերի մասին: Ուսումնասիրված է նոր ակտիվ նյութերի ազդեցությունը արյան կորոնար շրջանառության վրա: Օրգանական քիմիայի ինստիտուտում վերջնականապես ընդունված է, որպես գիտական աշխատանքի հիմնական ուղղություն, տարրեր օժանդակ նյութերի՝ ստարիլիզատորների և պլաստիֆիկատորների ստեղծումը: Երկրաբանական գիտությունների ինստիտուտում կազմված են երկրաբանական նոր քարտեզներ, կատարված են հանքավայրում մետաղների ցրման առաջնային եզրապսակների օրինաչափությունների ուսումնասիրություններ, լուծված են մեթոդիկ մի շարք խնդիրներ: Նավթագագաբերության գծով կազմված է ամփոփիչ լուրջ հաշվետվություն: Բարելավվել է ինստիտուտի տեղական բազաների աշխատանքը՝ Բասարգեշարում, Ալավերդում, Քաջարանում: Հետաքրքիր փորձեր են կատարված արհեստական երկրաշարժերի ժամանակ սեյսմոմետրիկ չափումների գծով Լենինականի գեոֆիզիկայի ինստիտուտում:

Կենսաբանական գիտությունների գծով պրեզիդենտը նշեց այն հաջողությունները, որոնք վերաբերում են բույսերի օնտոգենետիկ զարգացման (Բուսաբանության ինստիտուտ), ներվային համակարգության (Ֆիզիոլոգիայի ինստիտուտ), գյուղատնտեսական կենդանիների հելմինթների դեմ պայքարի (Կենդանաբանության ինստիտուտ), բույսերի անհող աճեցման (Ագրոքիմիայի լաբորատորիա) և այլ բնագավառներում: Միաժամանակ նշվեց կենդանաբանական գիտությունների մի շարք կարևոր ճյուղերի չափազանց հետ մնալը: Հատկապես ընդգծվեց ակադ. Լիսենկոյի խմբի կողմից մշակված դոգմաների դեմ անհաշտ պայքարի անհրաժեշտությունը: Միաժամանակ ցույց տրվեց, որ Հայաստանի գիտությունների ակադեմիայում արդեն կազմակերպված են բիոֆիզիկայի, բիոնիկայի և ռադիացիոն գենետիկայի լաբորատորիաներ: Տարվում են աշխատանքներ գամա-դաշտի և իզոտոպային լաբորատորիայի ստեղծման ուղղությամբ:

Ակադեմիկոս Վ. Հ. Համբարձումյանը հանգամանորեն կանգ առավ հայագիտության վիճակի և նրա զարգացման հեռանկարների վրա: Հայագիտության բնագավառում տարվող աշխատանքները տրադիցիոն են մեր ակադեմիայի համար, — ասաց նա: Հնագիտական պեղումներից ստացվող հսկայական նյութը, ինչպես նաև մեծ ձեռագրային ժառանգությունը կազմում են հարուստ հիմք հայ ժողովրդի անցյալի ուսումնասիրության համար: Վերջին տարիներին ուժեղացել են նաև ուսումնասիրությունները Հայաստանի նորագույն շրջանի պատմության և հատկապես սոցիալիստական ժամանակաշրջանի պատմության ուղղությամբ: Հրապարակի վրա կան բազմաթիվ ուսումնասիրություններ, որոնք նվիրված են Սովետական Հայաստանի պատմությանը, սովետահայ գրականության պատմությանը, սովետական ժամանակաշրջանի արվեստի պատմությանը: Շատ աշխատանքներ են նվիրված սոցիալիզմից կոմունիզմին անցման հետ կապված հարցերին: Մեծ աշխատանք է տարվում հայ կյանքի ներկերի հրատարակության և հայ գրականության պատմության սիստեմատիզացիայի ուղղությամբ:

Բարձր գնահատելով հասարակական գիտությունների բնագավառում կատարվող աշխատանքները, Վ. Հ. Համբարձումյանը նշեց, որ նրանք առաջիկայում էլ ապրիլի պետք է ընդարձակվեն և խորանան: Նա ասաց, որ Հայաստանի գիտությունների ակադեմիայի համար հաստատված 10 կոմպլեքս ուղղություններից երկուսը վերաբերում են հասարակական գիտություններին: Ղրանցից առաջինը հայագիտությունն է, իսկ երկրորդը՝ հասարակական գիտությունների բնագավառում քանակական մեթոդների լայն կիրառումը:

Պրեզիդենտի ներածական խոսքից հետո ժողովը անցավ ՀՍՍՌ ԴԱ 1964 թ. գործունեության հիմնական արդյունքների մասին հաշվետվության քննարկմանը: Հաշվետվությունից պարզվում է, որ ակադեմիայի 5 բաժանմունքների մեջ մտնող 25 գիտահետազոտական հիմնարկների գործունեությունը ընթացել է 80 պրոբլեմի մեջ մտնող 363 թեմայի գծով: Սրանցից 135-ը մշակվել են հասարակական գիտությունների բաժանմունքների 7 գիտահետազոտական հիմնարկներում:

Տնտեսագիտության ինստիտուտում աշխատանքներ են կատարվել ժողովրդական տնտեսության պլանավորման կատարելագործման, արտադրողական ուժերի տեղաբաշխման, կապիտալ ներդրումների և նոր տեխնիկայի էֆեկտիվության, տնտեսաշարժի կատարելագործման և արտադրության մեջ նյութական շահագրգռվածության բարձրացման պրոբլեմների ուղղությամբ:



Պատմության ինստիտուտի հիմնական խնդիրն է եղել շորս հատորով «Հայ ժողովրդի պատմության» կուրսով կապիտալ ուսումնասիրության ստեղծումը: Հայ ժողովրդի րազմադարյան պատմության այդ առաջին ակադեմիական, մարքախտական ուսումնասիրությունը ստեղծելու գործում ներգրավված են ոչ միայն ակադեմիայի գիտական աշխատակիցները, այլև ուսպուրիկայի ԲՈՒՀ-երի դասախոս-մասնագետները: Ինստիտուտում աշխատանք է տարվել Հոկտեմբերյան սոցիալիստական մեծ ուսույցիայի պատմության, սոցիալիստական և կոմունիստական շինարարության պատմության, կապիտալիստական հասարակարգի գենեզիսի և պատմության, ստրկատիրական հասարակության պատմության, ֆեոդալական հասարակարգի գենեզիսի և պատմության պրոբլեմների ուղղությամբ:

Մ. Արեգյանի անվան գրականության ինստիտուտում աշխատանքները ընթացել են հայ գրականության օրինաչափությունները արդի ժամանակաշրջանում, մարքս-լենինյան գրականագիտության, պոետիկայի և գեղարվեստական գրականության ոճարանության, հայ նոր գրականության, հայ հին միջնադարյան գրականության, հայ գրականության կյասիկների հրատարակության և այլ պրոբլեմների գծով:

Լեզվի ինստիտուտի աշխատակիցների ջանքերը կենտրոնացված են եղել հայոց լեզվի զարգացման օրինաչափությունների վրա՝ կապված սոցիալիստական հայ ազգի զարգացման հետ, բառարանագրության և բառարանագիտության, հայոց լեզվի պատմության, հայ բարբառների ուսումնասիրության հետ կապված պրոբլեմների կատարման շուրջը:

Հնագիտության և ազգագրության ինստիտուտում շարունակվել են աշխատանքները երեք հիմնական պրոբլեմների ուղղությամբ: Դրանք են՝ Հայաստանի հնագիտական ուսումնասիրությունը, Հայաստանի ազգագրական ուսումնասիրությունը, հայ ժողովրդական բանահյուսության, պոեզիայի և երաժշտական ֆոլկլորի ուսումնասիրությունը: Դրանցից առաջին պրոբլեմի կենտրոնական թեման է Հայաստանի հնագիտական ատլասի կազմումը: Ինստիտուտի աշխատանքներում մեծ տեղ են գրավում արշավային-գաշտային աշխատանքները: Հաշվետու տարում կատարվել են էնեոլիթի և բրոնզեդարյան հուշարձանների պեղումներ՝ Շենգավիթում և Լճաշենում, ուրարտական հուշարձանների պեղումներ՝ Կարմիր-բլուրում և Արինբերդում, նոր Արմավիրի պեղումները, հին Հայաստանի (անտիկ շրջան) հուշարձանների պեղումները Գառնիում և Հին Արմավիրում, Հայաստանի միջնադարյան հուշարձանների պեղումները և վիմական արձանագրությունների հավաքումը:

Հասարակական գիտությունների բնագավառում այս հաջողությունների և նրանց առջև դրված խնդիրների մասին ծավալվեց մտքերի աշխույժ փոխանակություն, որին մասնակցեցին ՀՍՍՌ ԳԱ ակադեմիկոսներ Աշոտ Հովհաննիսյանը, Արտաշես Կարինյանը, Արարատ Ղարիբյանը, Արտաշես Առաքելյանը, պրոֆ. Բարկեն Առաքելյանը:

Ակադեմիայի հետագա զարգացման հարցերին նվիրեցին իրենց ելույթները ՀՍՍՌ ԳԱ ակադեմիկոսներ Ի. Նդիագարովը, Ն. Բունյաթյանը, թղթակից-անդամներ Ա. Բաբայանը, Վ. Բառայանը, Նրեանի Պետական համալսարանի ուսուցիչ Զ. Բատիկյանը:

Տարեկան ժողովում լսվեցին նաև գիտական գեկուցումներ: Ակադ. Արարատ Ղարիբյանը գեկուցում էլարդաց ականավոր հայագետ Նիկողայոս Մառի մասին, թղթակից-անգամ Վահան Ղազարյանը՝ բարձրագույն բույսերի ծերացման մասին և ակադ. Սերգեյ Համբարձումյանը՝ անիզոտրոպ շերտավոր թաղանթների ժամանակակից հարցերի մասին:

Ակադեմիայի ընդհանուր ժողովը անցկացրեց ակադեմիայի իսկական անդամների և թղթակից-անդամների ընտրություններ:

Ակադեմիայի իսկական անդամներ ընտրվեցին՝ Ստեփան Զուրյանը և Կարապետ Մելիք-Օհանջանյանը (գրականություն), Նուբայր Սիսակյանը (բիոքիմիա), Սերգեյ Համբարձումյանը (մեխանիկա): Թղթակից-անգամներ ընտրվեցին՝ Ռաֆայել Ալեքսանդրյանը և Ալեքսանդր Թալալյանը (մաթեմատիկա), Գրիգոր Գուրգազյանը և Ռենիամին Մարգարյանը (աստրոֆիզիկա), Գուրգեն Սահակյանը (տեսական ֆիզիկա), Եսլեոն Ավագյանը (էլեկտրոնային կիսահաղորդիչներ), Հովհաննես Զալիկյանը (քիմիա), Աշոտ Ասլանյանը (երկրաբանություն), Վսեմ Ղազարյանը (բույսերի ֆիզիոլոգիա), Գեորգ Ղարիբջանյանը (ՍՄԿՊ պատմություն), Արամ Ղանալանյանը (գրականագիտություն), Վազգեն Զալոյանը (փիլիսոփայություն):

Ընդհանուր ժողովը ընտրեց նաև ակադեմիայի արտասահմանյան անդամներ՝ պրոֆ. Մանասե Սևակին (ԱՄՆ) և պրոֆ. Սիրափի Տեր-Ներսեսյանին (Ֆրանսիա):

Ընդհանուր ժողովի եզրափակիչ նիստում քննարկվեցին կազմակերպչական հարցեր: Ժողովը ակադեմիայի վիցե-պրեզիդենտ ընտրեց ակադեմիկոս Մկրտիչ Ներսիսյանին: Հասարակական գիտությունների բաժանմունքի ակադեմիկոս-քարտուղար և նախագահության անդամ ընտրվեց ակադեմիկոս Սուրեն Ներսիսյանը:

Հ. ԱՎԵՏԻՍՅԱՆ